

庶物類纂

蔬屬
自七至九

容


太政官文庫			
和書門	特別	二三六二	第一
類	號	函	架
四六五	册	架	函


内閣文庫			
番號	和	32362	
冊數	465	(243)	
函號	特	54	1

九十内

共七十三








庶物類纂蔬屬卷之七目次
 蕙

庶物類纂

卷七

蔬屬目次



蔥

一名葱
本單
 一名菜伯同上
 一名和車草同上
 一名鹿胎同上
 一名薑菹和陽縣志

蔥

蔥廣志曰蔥有冬春二種有胡蔥木蔥山蔥晉令曰
有紫蔥後魏賈思勰齊民要術

蔥西王母曰上藥玄都綺蔥同上

禮記曰凡進食之禮蔥潔處末又曰膾春用蔥脂用
蔥為君子擇蔥薤如絕其本末

爾雅曰荅山蔥細莖大葉

劉向別傳曰都尉有種蔥書曹公既與先生言細人
覘之見其拔蔥

莊子曰徐無鬼見武侯曰先生居山林厭蔥韭今老欲甘酒肉之味邪又曰春月飲酒加蔥以通五臟春秋元命苞曰天門山上有蔥所種畦隴悉者行人拔取者悉絕若精神而求即不拔自出奇異辛香漢書曰龔遂勸民令人一口種五十本蔥一畦韭百本薤

列仙傳曰阮丘廼山上種蔥百餘年乃去

晉令曰居洛陽內園菜欲課以當者耳其引長流灌紫蔥可各三畝

東觀漢記曰孔奮字君魚為姑臧長時天下亂河面獨安藏長居數月輒致資產奮在姑臧四年財物不增唯老母妻子但菜食或謂奮曰置脂膏中亦不能自潤

漢武內傳曰西王母曰仙人上藥有玄都綺蔥

邵信臣曰臣太官種冬蔥生不時之物有傷於人也

以上唐歐陽詢藝文類聚

蔥青白雜色之名也唐顏師古急就篇註

正月不食生蔥三月勿食小蒜四月勿食大蒜五月

勿食薤六月七月勿食菜莢成血痢八九月勿食薑并肝心肺十月勿食椒十一月十二月勿食戴甲之物并脾腎唐李石續博物志

禮曰凡進食之禮蔥菜處末又膾春用蔥又脂

用蔥又為君子擇蔥薤必絕其本

爾雅曰茗荈荈荈細荈大葉百山蔥

漢書曰龔遂為渤海太守令人一口種五十本蔥

又曰邵信臣為少府先是屋書衣難音然火待温氣乃

生奏罷之

東觀漢記曰孔奮字君魚為姑臧長時天下亂河西

獨安前長居官數月輒致資產奮在姑臧四歲財物

不增唯老母極膳妻子但食蔥菜或嘲奮曰置脂膏

中不能自潤

義熙起居註曰十年有司奏大常謝澹遣四人還家

種蔥菜免官

晉書曰居洛陽城十里內有園菜欲以當課聽引其

長流灌紫蔥

晉書曰石勒時石聰佛國澄戒勒曰今年蔥中有蟲

害人百姓無食蔥俄而聰走

後秦書曰姚興種蔥皆化為韭其後兵戈日盛

後周書曰宣帝大象年左衛園中蔥變作韭

梁書曰呂僧珍廢南袁州刺史從父兄子先以販蔥

為業僧珍至乃棄業求州官僧珍曰吾荷國恩重無

以報効汝等自有常分豈可妄求叨越當速反蔥肆

耳

金樓子曰名山之下生蔥匕薤者是古人種食石種

也故語曰寧得一把五茄不用金玉一車寧得一片

地榆不用明月寶珠五茄一名玉豉惟此二物可煮

石

又曰用紫芝煮石石美如脂食之可更調五味下攝

皮蔥豉

漢武內傳曰西王母曰仙上藥有立都綺蔥

列仙傳曰阮公者鳴山上道士也衣裘髮覆耳長耳

六七寸口中無齒日行四百里於山上種蔥薤百餘

羊人不知也

春秋元命苞曰天門上有蔥所種畦瓏悉成行人拔

取者悉絕若請神而求即不拔自出奇異辛香
繆龍祭儀曰秋祀和羹羊以蔥

西河舊事曰蔥領在燉煌西八千里其山高大故
曰蔥領也河源潛發其分為二水一水西經休循國
國在蔥領也

郭儀恭廣志曰林循國居蔥領其山多大蔥

華陽國志曰曹公既與先主語天七會天震雷先主
曰聖人言迅雷風烈必變良有以也曹公亦悔矢言
使人覘之見其拔蔥公曰大耳公未覺也其夜先主

急去

廣志曰有胡蔥木蔥

巴南山川記曰有石蒜石蔥

續搜神記曰新野趙負家園中種蔥未經抽拔忽一
日晝縮入地後經歲餘負之兄弟相次分散

楊雄蜀都賦曰萬條榮翠藻青黃若離錦布繡望之
無疆

潘岳閑居賦曰菜則有蔥匪蒜羊青荀紫薑薑薺旨

蓼蘇以上太平御覽

蔥亦韮屬然葷菜也傳曰五葷鍊形蔥者其一也齊民要術以為種蔥良地三剪薄地再剪八月止不止則蔥無袍而損白蓋蔥肉曰白其青謂之袍爾雅曰青謂之蔥詩曰有瑱蔥珩蔥竊青也淮南子曰君子之於善也猶采新者見青蔥則拔之言無所不取矣崔寔曰三月別小蔥六月別大蔥夏蔥曰小冬蔥大今其袍皆中虛故脉如蔥葉謂之浮其字从蔥今俗米蔥謂之蔥則亦以達氣故也傳曰鬱鬱蔥蔥佳哉氣也鬱鬱寒也蔥蔥通也

宋陸佃埤雅

蔥本白而末青青色尤美爾雅曰青謂之蔥古者

佩玉有蔥珩以玉色如蔥色得名馬之青驪稱聰亦取義於蔥而望氣者言鬱鬱蔥蔥言條暢也古作膾春用蔥脂亦用蔥道軒辟雞宛脾皆切蔥薤實諸醢以柔之物之用蔥者多故禮為君子擇蔥薤則絕其木末至進食之禮蔥涼處末涼亟蔥也在豆處醢醬之左言末者殊加也而漢世太官園種冬生蔥韭菜茄覆以屋廡晝夜難蘊火待氣乃生邵信臣為少府以為此皆不時之物有傷於人不宜以奉供養奏

罷之漢孔奮為姑臧長妻子但食蔥菜而義熙中太

常謝澹生遣四人還家種蔥菜免官人之貪廉不同

如此西域有蔥嶺河源所自出西河舊事云其山高

大上悉生蔥故以名焉宋羅願爾雅翼

蔥和羹眾味若藥劑必用甘草也所以文言曰和事

草宋陶穀清異錄

盤盃蔥趙魏間有之幾如柱杖麤但盈尺耳同上

治婦人吹乳乳癭立消連根鬚蔥不拘多少搗爛

自爰淘炒蔥油用純滴醋和糖醬作羹或加以豆腐

及乳候麵熟過水作苗供食真一補藥也宋林洪山家清供

種蔥不拘時尤宜七月先去冗鬚微晒踈行密排種

之宜養培壅便民圖纂

格物總論蔥凡四種入藥用山蔥胡蔥食只用東蔥

漢蔥狀皆似大蒜而小形圓皮赤稍長而銳食之消

穀合璧事類

崖給事頃在澤潞與李抱真作判官李相方以鏈杖

拊毬子其軍將以杖相格乘勢不能止因傷李相拊

指并爪甲擘裂遽索金瘡藥裹之強坐頻索酒飲至

數盃已過量而面色愈青，忍痛不止。有軍吏言：取蔥
新折者，使人溲灰火煨熟，剝皮摩間其間，有涕取罨
損處，仍多煨取續。續易熟者，凡三易之。面色却赤，斯
須云已不痛。凡十數度，易用熱蔥并涕裹纏，遂畢席
笑語。本事方○宋張果醫說
張氏經驗方治口傷磕損血不止痛難禁，此出於荆
門軍點頭祿余分教石城鄉人戴堯，臣作尉試馬干
泮宮之前，馬劣撥入于離，戴損大指甲，離肉血淋，余
偶記此方，亟令人將蔥白煨爛，乘熱縛定，痛與血隨

止，蔥冷再易，遂不復痛。翌月洗面全不見痕跡。小水
匠姓雷，在教授廳工作，忽請暇問之云：脚跟為斧角
所傷，乘急用泥塞。至今攻註成腫，發寒熱，不可立。余
遂令剔去舊土，令血再出，却用煨蔥白傅之。不移時
雷復來用斧鑿矣。云：一用蔥白痛住，血吐，今已不疼。
推官宋琢定驗兩處殺傷，氣偶未絕，亟令保甲取蔥
白鍋內炒熟，以傅傷處，繼而呻吟，再易蔥而傷者無
事矣。曾以語樂平宰鮑旂，再會鮑曰：蔥白甚妙，樂平
人好鬪，多傷，每有殺傷公事，未暇詰問，先將蔥白傅

傷損者活人甚衆大辟遂減余亦自用皆效仍無癢
痕此方既傳其他力傷搗損不必它求無蔥白處以
葉亦可只是要炒熟爲上時易爲桂傷多煨炮不及
但以乾鍋內且焙且杵令涎出蔥熟用之炒宋陳自明外科精要
蔥唐本註云蔥有數種山蔥曰茗蔥療病以胡蔥主
諸惡七更切狐尿刺毒山溪中沙蟲射工等毒煮汁
浸或搗傅大效亦兼小蒜茱萸輩不獨用也其人間
食蔥又有二種有凍蔥卽經冬不死分莖栽蒔而無
子也又有漢蔥冬卽葉枯食用入藥凍蔥最善氣味

亦佳臣禹錫等謹按蜀本圖經云蔥有冬蔥漢蔥胡
蔥茗蔥凡四種冬蔥夏衰冬盛莖葉俱軟美山南江
左有之漢蔥冬枯其莖實硬而味薄胡蔥莖葉麤短
根若金登能療腫毒茗蔥生於山谷不入藥用爾雅
云首山蔥釋曰說文云蔥生山中者名茗細莖大葉
者是也嘉祐補註本草
蔥實本經不載所出州土今處處有之蔥有數種入
藥用山蔥胡蔥食品用凍蔥漢蔥山蔥生山中細莖
大葉食之香美於常蔥一名茗古切蔥爾雅所謂茗

山蔥是也。胡蔥類。食蔥而根莖皆細白。又云莖葉微短如金燈者是也。舊別有條云生蜀郡山谷似大蒜而小形圓皮赤稍長而銳凍蔥冬夏常有但分莖栽蒔而無子氣味最佳亦入藥用一名冬蔥又有一種構蔥亦冬蔥類也江南人呼龍角蔥言其苗有八角故云爾淮楚間多種之漢蔥莖實硬而味薄冬即葉枯凡蔥皆能殺魚肉毒食品所不可闕也唐韋宙獨行方主水病兩足腫者到蔥葉及莖煮令爛漬之日三五作乃佳煨蔥治打撲損見劉禹錫傳信方云得

於崔給事取蔥新折者便入糖灰火煨承熱剥皮擘開其間有涕便將罨損處仍多煨取續續易熱者崔云頃平澤潞與李抱眞及判官李相方以毬杖按毬子其軍將以杖相格便乘勢不能止因傷李相柎指并爪甲擘裂遷索金瘡藥裹之強坐頗索酒喫至數盞已過量而面色愈青忍痛不止有軍吏言此方遂用之三易面色却赤斯須云已不痛九十數度用熱蔥并涕纏裹其指遂畢帶笑語又蔥花亦入藥見崔元亮海上方治脾心痛痛則腹脹如錐刀刺者吳茱

蕙一升，蔥一升，以水一大升，合煎七合，去滓分

三服，立效。本草圖經

蔥實，蔥初生名蔥針，至夏則有花，於秋月植作高溝

壟，旋壅起以備冬，用白冬蔥其實一也。又有龍角蔥

每莖上出歧如角皮，赤者名樓蔥，可煎湯。下部子

皆辛，色黑有皺紋，作三瓣，此物大抵以發散為功，多

食昏人神。宋冠宗爽本草行義

三洞要錄：神仙消金玉漿法，蔥者萊之伯，雖臭而有

用消金玉錫石也。又以冬至日取葫蘆盛蔥汁，根莖

埋於庭中，到夏至發之，盡為水，以清金玉銀青石各

三分，自消矣。曝令乾如飴，可休糧，久服神仙亦曰金

漿也。宋唐慎微證類本草

蔥從蔥，外直中空，有蔥通也。象也。孔者草中有孔也

故字從孔。孔，脈象之。蔥初生曰蔥針，葉曰蔥青，衣曰

蔥袍。莖曰蔥白。葉中涕曰蔥，并諸物皆宜。故云萊伯

和事。明李東璧本草綱目

冬蔥即慈蔥，或名大官蔥，謂其莖柔細而香，可以經

冬大官上供宜之。故有數名。漢蔥一名木蔥，其莖粗

硬故有木名冬蔥無子漢蔥春未開
花成叢青白色其子味辛色黑有皺
文作三瓣狀收取陰乾勿令浥
鬱可種可栽同上

按張氏經驗方云金創折傷血出用蔥白連葉煨熱
或鍋烙炒熱搗爛傅之冷卽再易石城尉戴堯臣試
馬損大指血出淋漓余用此方再易而痛止翌日洗
面不見痕跡宋推官鮑顯平皆得此方每有殺傷氣
未絕者亟食用此活入甚衆又凡人頭目重悶痰痛
時珍每用蔥葉揷入鼻內二三寸并耳內氣通卽便

清爽也同上

蔥凡四種冬蔥卽凍蔥也夏衰冬盛莖葉但軟美山
南江左右之漢蔥莖實硬而味薄冬卽葉枯胡蔥莖
葉粗硬根若金燈茗蔥生於山谷又有一種樓蔥亦
冬蔥類卽龍爪蔥每莖上出岐如龍爪狀冬蔥又名
大官蔥謂其莖柔細而香可以經冬大官上供用之
漢蔥又名木蔥以其形粗硬也冬蔥無子漢蔥春未
開花成叢青白色其子味辛色黑有皺文作三瓣狀
收取陰乾勿令浥鬱可栽可種明李東璧
食物本草

韓氏曰蔥有四種南北東西皆有之山谷者曰落蔥
陸地者曰胡蔥凍蔥漢蔥漢蔥又名大蔥其莖麤硬
而味淡春時開花作子卒黑味辛而三瓣凍蔥又名
冬蔥或名大落蔥其莖柔軟而香不結子分莖栽
夏衰冬盛上供多用之胡蔥莖葉俱麤大而硬味辛
烈落蔥似胡蔥而稍細落蔥療病相宜凍蔥入食料
最美辟腥氣外有一種五爪蔥荆楚人多種之其皮
微赤每莖上出岐如角角下生根五月摘下種之成
叢不結子亦可充食料今浙人亦種盆內云能辟邪

明倪朱謨
本草彙言

本草綱目卷之十一

蔬屬

蔥

十四

庶物類纂
卷之八

庶物類纂蔬屬卷之八目次

蔥


庶物類纂
卷八

蔬屬目次

庶物類纂
卷八



蔥



庶物類纂
卷八

蔬屬
蔥

本草綱目卷之八

蔥

陳蔥經冬不凋不結子分莖莖種莖葉俱軟氣味香
 佳食用最宜忌與密同食有一種樸蔥即龍角蔥亦
 凍類又胡蔥漢蔥荅蔥數種不同大抵以發散為切
 多食令人神只調和食品可也食物本艸○明
 胡文煥延壽書
 推官宋塚定驗兩處殺傷氣偶未絕亟令保甲各取
 蔥白熱鍋炒熱遍傳傷處斷而呻吟再易蔥而傷者
 無痛矣曾以語樂平知縣鮑旂及再會鮑曰蔥白甚
 妙樂平人好鬪多傷每有殺傷公事未暇詰問先蔥

本草綱目卷之八

蔬屬

蔥

二

白傳傷損厥活入甚多大辟為之臧水出張聲道經

驗方 宋慈惠 洗宛祿

蔥味辛溫無毒主明目補不足治傷寒發汗去腫 元

蘭奚飲 膳正要

要略曰蔥與蜜不可同食食之令人心忪正德間嘉

興王姓者因遠歸以魚鮮饋送其姻家偶因薦鴈食

者咸死或謂其鮮之有毒故也竊意鮮與蜜安得殺

人造鮮者其中必有蔥蓋蔥與蜜同食能殺入耳古

人云蜜罐不可盛鮮食之致死豈欺我哉 明俞弁 續醫說

治婦人之吹乳乳癰立消連根鬚蔥不拘多少搗爛

鋪乳上上用熨斗盛灰火在蔥上熨之使蔥熟透氣

汗出立消 明沈應暘 萬病必愈

蔥爾雅曰蒼山蔥 說文曰蔥葦菜也其色蔥蔥然故 名蔥淺綠色 凡四種山蔥胡蔥

漢蔥凍蔥一名乳草中有孔也一名鹿胎初生曰蔥 針葉曰蔥青灰曰蔥袍莖曰蔥白葉中淨曰蔥再諸

物皆宜故又名菜伯又名和事草 王禎曰山蔥宜 入藥胡蔥亦然食惟用漢蔥凍蔥耳漢蔥木蔥也漢

蔥葉大而香薄冬即葉枯宜供饗食凍蔥葉細而益 香又宜過多比漢為勝或名大官蔥 廣志曰蔥有

冬春二種有胡蔥木蔥山蔥晉令曰有紫蔥昔龔遂 勃海勸農口種蔥一畦非惟足供烹飪種多亦可資

富梁呂僧珍其先取蔥為業及貴其兄子棄業求官 珍不許曰汝等自有常分不可妄求可速歸蔥肆爾

可謂知所本矣。○明徐光啓農政全書

齊民要術曰：收蔥子必薄布陰乾，勿令沍鬱。此蔥性熱多喜

沍鬱，沍，鬱，則不生。其擬種之地，必須春種菜豆，五月掩殺之。

比至七月，耕數遍，一畝用子四五升。良田五升，薄田四升。炒穀

拌和之。蔥子性澀，不以穀和，下不均調，不炒穀，則草穢生。兩耨重耨，竅瓠下

之以批契，繼腰曳之。七月納種，至四月始鋤，鋤遍乃

剪，剪與地平。高畱則無菜，深剪則傷根。剪欲且起，避熱時。良地三

剪，薄地再剪，八月止。不剪則不茂，剪過則根跳，若八月不止，則蔥無袍而損白。十

二月盡掃去枯葉，枯袍。不去枯葉，春初則不茂。二月三月出之。

良地二月出，薄地三月出。收子者別畱之，蔥中亦種胡荽，尋手供

食，乃至孟冬為道亦不妨。同上

崔寔曰：二月別小蔥，六月別大蔥，七月可種大小蔥。

夏蔥曰小，冬蔥曰大。○同上

四時類要：種蔥炒穀攪勻，塞耨一眼於一眼中種之。

他月蔥出，取其塞耨一眼之地，中土培之路，密恰好。

又不勞移。同上

王禎曰：種法先以子畦種，移栽却作溝壟，蠶而壅俱

成大，蔥皆高尺許，白亦如之，宿根在地來，春併得作

種移栽之上同

又曰蔥種不拘時先去冗鬚微曬疎行密排種之宜
糞培壅豬糞雞鴨糞和粗糠壅之上同

蔥一名乳一名萊伯一名和事草一名鹿胎初生日
蔥針葉曰蔥青衣曰蔥袍莖曰蔥白葉中赤曰蔥再
葉溫白與鬚平味辛無毒有數種一種凍蔥即冬蔥
夏衰冬盛莖葉氣味俱軟美食用人藥最善分莖栽
蒔而無子人稱慈蔥又稱大官蔥謂宜上供也一種
漢蔥春末開花成叢青白色冬即葉枯亦供食品胡

蔥生蜀郡山谷狀似大蒜而小形圓皮赤葉似蔥根
似蒜八月種五月收一名蒜蔥又名回回蔥莖葉粗
硬蒼蔥山蔥也生于山谷似蔥而小細莖大葉生沙
地者名沙蔥又有一種構蔥人呼為龍角蔥龍爪蔥
羊角蔥皮赤莖上生根移下種之亦冬蔥之類每莖
上葉出岐如八角故名蔥白辛葉溫根鬚平主發散
是處皆有生熟皆可食更宜冬月戒多食四月每朝
空心服蔥頭酒調血氣正月忌食令人面起遊風生
同蜜食作下利燒同蜜食壅氣殺人生合棗食令人

病合犬雉肉食多令人病血服地黃常山人忌用王明

蓋臣羣
芳譜

種植子味辛色黑作三瓣狀有皺紋收取陰乾勿令
泥溼泥溼則不生留春月調畦種良地三剪薄地再
剪剪宜平且避熱宜與地平勿太深大高八月止不
止則無袍而損白凡栽蔥曬稍焉將冗鬚去淨疎行
密排豬雞鴨糞和粗糠壅之不拘時崔寔曰三月別
小蔥六月別大蔥冬蔥暑種則茂種蔥宜甲子甲子
甲申巳卯辛未辛巳辛卯上同

夏蔥曰小冬蔥曰大上同
龍遂治渤海勸民家種蔥一畦非唯足供烹飪種多
亦可資富上同

蔥凡四種山蔥胡蔥入藥凍蔥漢蔥可食似蒜能消
五穀本草曰味辛温無毒主傷寒寒熱頭痛如破發
汗中風面目浮腫喉痺不通安胎利五臟歸目除肝
通利大小腸多食昏人神忌與蜂蜜同食能和羹又
名和事草種不拘時先去冗鬚密排種之雞糞培壅
或以子種來春移栽明周文華
致富全書

蔬屬 蔥 六

種蔥州穀攬勻塞樓一眼於一眼中種之他月蔥出取其塞樓一眼之地中土培之路蜜恰好又不勞移命宋本種蔬疏

○居家必備

蔥蒜薤與韭雖俱五葷而為人所常用薤性稍平江浙多有之吾地少亦可不種

明王敬美學圃雜疏

宋仁宗游後苑還宮索漿甚急宮嬪曰大家何不於外宣索而受渴仁宗曰吾屢顧不見鐐子恐問之則所司有得罪者嗚呼仁宗信仁矣哉近世有達官因庖丁治蔥不如法笞之立死復有烹羊胃欠熟斃之

於獄噫一介書生僥倖一官而視人命如草芥不有人禍必有天刑亦何不思之甚哉梅爾雅銀之美者謂之鐐鐐子亦庖人之別稱力吊切

明楊升庵文集

蔥本白末青能和五味故古稱為菜伯

明慎懋官華夷花木考

蔥處處有之蔥有數種入藥用山蔥胡蔥食品用凍蔥漢蔥山蔥生山中細莖大葉食之香美於常蔥一名茗蔥爾雅所謂茗山蔥是也胡蔥類食蔥而莖葉

微短凍蔥氣味最佳一名冬蔥又有一種樓蔥江南人呼龍角蔥言其苗有八角也味辛溫無毒主明目

補中其莖蔥白主傷寒寒熱出汗骨肉痛喉痺不通
安胎除肝邪氣利五藏殺百藥毒蔥汁主消血解羸

蘆毒 明王思義三才圖繪續集

莊子云春月飲酒茹蔥以通五藏 明鄭若庸類集

社日小兒以蔥條竹竿於牕中獨之曰開聰明或又

加蒜欲能計筭也 歲時記○明牛哀埤雅廣要

蔥有四種曰冬蔥漢蔥胡蔥蒼蔥又有一種樓蔥亦

冬蔥類也江南人呼為龍角蔥言其苗有八角故名

耳凡蔥皆能殺蟲魚毒食品所不可缺也蔥初生名

蔥針夏蔥曰小冬蔥曰大 明陳耀文天中記

機謹按事言要玄引說文同

蔥有四種入藥用山蔥胡蔥食用東蔥漢蔥能消穀

清異祿蔥能和調眾味若藥劑必用甘草也所以文

言謂之和事草 明彭大翼山堂肆考

石勒稱趙天王行皇帝事敬佛圖澄弥篤時石蔥

將叛澄誡勒曰今羊蔥中有蟲食必害人可令百姓

無食蔥也勒班告境內慎無食蔥俄而石蔥果走勒

益重之事必諮而後行號曰大和尚 晉書○集事淵海

種蔥子上旬治畦灰糞勻細撒子來年三月間移栽
分韭莖並根多羊交結不茂別作畦分栽摘去花

微露嫩根栽之用鵝糞壅或乾猪糞亦可明盧翰月令通攷

蔥良地三剪薄地再剪八月止不止則蔥無袍而損

百崔寔曰三月別小蔥六月別大蔥夏蔥曰小冬蔥

曰大明馮廣京月令廣義

三洞要錄神仙消金玉漿法蔥者莖之伯雖具而有

用消金玉錫石也又以冬至日取葫蘆盛蔥汁根莖

埋于庭中到夏至啓之盡為水以清金玉銀青石各

三分自消矣曝令乾如飴可休糧久服神仙亦曰金

漿也明陳希顏事言要玄集

唐書泥溲羅獻渾提蔥其狀猶蔥而甘辛同上

後秦書姚興種蔥皆化為韭其後兵戈日甚後周宣

帝大象中亦然易替覽圖政道得則陰變為陽鄭註若蔥變為韭○同上

蔥以子初種出者俗謂之小蔥培壅者謂之羊角蔥

涿州志

蔥大小羊角凡三種慶陽府志

蔥為五葷之一有四種一冬蔥亦名慈蔥亦名大官

蔥柔滑香澤一漢蔥亦名木蔥根葉粗硬一胡蔥葉粗根短似金燈皮赤而銳俗呼蒜蔥亦名回回蔥以其來自胡地一山蔥亦名落蔥細莖大葉開花結白子如小蔥頭今人所裁惟冬蔥漢蔥二種而冬蔥尤勝肇慶府志

機謹按落當作落

蔥崔寔曰二月別小蔥六月別大蔥禮記曰凡進食之禮蔥派處未海澄縣志

蔥有臺細龍爪等名重修靖江縣志

蔥又一種夏間莖端生嫩芽者名五爪蔥暑月治食

用此其味不即變萬曆杭州府志

蔥乳蔥水蔥珍珠蔥即爾雅山蒜儋州志

蔥野外生者謂之沙蔥臨洮府志

蔥傳云五葷鍊形蔥其一也河間府志

蔥有水晶蔥有木蔥五葷之一以白長為上撫州府志

蔥傳云五葷鍊形蔥其一也景州府志

蔥出大湖傍者為湖蔥頭白而長又有龍爪蔥烏程縣志

蔥旌屬重臺者名龍爪蔥一種如韭割而復生江陰縣志

蔥薤屬和蜜食能殺人一種如韭剪而復生上同

蔥有數種有實而秋種者謂之青蔥無實而分種者謂之料蔥抽莖高二尺許岐生而作花者謂之樓子

重修錄 江府志

機 謹按丹徒縣志同

蔥有二種胡蔥香蔥也 長生蔥七月種八閩通志

蔥有三種曰湖蔥小蔥臺蔥常熟縣志

蔥有數種山蔥胡蔥長生蔥香蔥福州府志

蔥郡蔥有二種凍蔥冬夏長有但分莖栽蒔而無子

氣味最佳可入藥用其葉長大有角而生子者莖葉

硬味薄邵武府志

凡蔥皆能殺魚肉毒食品所不可闕也同上

興化府志云嘗讀洗冤錄凡杖瘡及刀瘡砍截膜未

斷取蔥連根搗爛鍋中攤熱傅之皆愈正統末土木

之禍人被傷走回或教用蔥煎湯洗之瘡不痛同上

蔥爾雅青謂之蔥崔寔曰二月別小蔥六月別大蔥

禮記曰凡進食之禮蔥涿處末按燉煌有山名蔥嶺

其上生蔥吾郡東郊地一名蔥園亦沿其意也漳州府志

蔥一種胡蔥不可食綿蔥則細而味頗甘又有龍爪蔥以其葉端岐生如爪故加以美名蓋即櫟蔥也太倉

州志

蔥爾雅青謂之蔥崔寔曰二月別小蔥六月別大蔥禮記曰凡進食之禮蔥沃盥末汀州府誌

綠蔥根氣臭須換水浸洗七、十、二次不然有毒淳安縣志

蔥山縣西北百二十里山有廟巖石上有蔥如人植者又曰蔥嶺湖廣總志

蔥能汗通中殺魚肉腥毒故食不可缺南昌府志

蔥一名サ淺青色使氣通達性與蜜蠟相反亦名善

豬又鹿蔥野生可食而陽縣志

蔥初生為小培植為白異地同根生熟可食陽信縣志

蔥一種名火蔥置灶頭上燻月餘栽則盛江南建德縣志

蔥為五葷之一有四種一冬蔥亦名慈蔥亦名大官

蔥柔滑香澤一漢蔥亦名水蔥根葉粗硬一胡蔥葉

粗根短似金燈皮赤而銳俗呼蒜蔥亦名回回蔥以

其來自胡地一山蔥亦名落蔥細莖大葉開花結白

子如小蔥頭今人所栽惟冬蔥漢蔥二種而冬蔥尤

本草綱目卷之八

勝高要縣志

有水蔥早蔥山蔥諸種本草謂蔥為萊伯謂諸物皆宜也其山蔥爾雅作茗盛京通志

蔥有兩三種一種四時長生號守園蔥一種九月始種二三月止陽春縣志

本白末青葷菜也禮為君子擇蔥薤必絕其末漳浦縣志

蔥有四種一冬蔥一慈蔥一漢蔥一胡蔥又名大官今人裁者惟冬蔥陸放翁詩羊羹惜用大官蔥封川縣志

蔥有四種曰凍曰漢曰胡曰茗諸物皆宜故云萊伯

和事幾輔通志

蔥本白末青能和五味古稱為萊伯又一種名五爪蔥可辟腥穢杭州府志

爾雅青謂之蔥一名乳以草中有孔也崔寔曰二月別小蔥六月別大蔥禮內則膾春用蔥又脂用蔥有香蔥麥蔥風蔥風蔥可療小兒中風之症諸羅縣志

蔥有四種葷菜也分莖栽時四時皆可食能殺魚肉毒煨菜辟開連淨纏裹打損傷處續易熱者數次即愈冬蔥夏衰冬盛莖葉俱軟美漢蔥冬枯莖實硬而

愈冬蔥夏衰冬盛莖葉俱軟美漢蔥冬枯莖實硬而

蔬屬蔥 十三

本草綱目卷之八

味薄胡蔥莖葉粗短根若金登能療瘡毒各蔥細莖

大葉皆不可與蜜同食太平府志

蔥有數種藥用山蔥胡蔥食品用陳蔥漢蔥凡蔥皆

能殺魚肉毒三山志

蔥有數種結實而秧種者名青蔥無實而分種者名

斜蔥抽莖高二尺許岐生而作花者名樓子蔥凡蔥

皆殺魚肉毒本白末青白冷青熟忌與蜜同食金壇縣志

蔥曰和事草秧種曰青蔥無實分種科蔥岐生作花

曰樓子蔥義烏縣志

蔥與麥同收種者謂之麥蔥四季可種者為四季蔥

山間不種自生者謂胡蔥與小蒜相似平原不食東陽

縣志

蔥有龍爪蔥縮蔥胡蔥諸種蘇州府志

冬蔥亦名大官蔥陸務觀詩羊羹借用大官蔥揚州府志

蔥秋種春食者謂之小蔥壅土培者謂之羊角清苑縣志

蔥解百藥毒以發散為功多食昏人鹿步多番禺縣志

蔥四種冬蔥夏衰漢蔥冬枯胡蔥能愈腫毒各蔥細

莖大葉俱不可與蜜同食爾雅云谷山蔥當塗縣志

本草綱目卷之八

蔬屬

蔥

十四

本草綱目卷之八

蔥莖白味辛外實中虛肺之菜也金瘡折傷蔥白研糖研封之痛立止更無癢痕野生者名火蔥建昌縣志

蔥外直中空有忽通之象一名菜白諸物皆宜故云

宜多食多食損鬚髮炒熟敷折傷神効汁和熟香油

止胃痛永不發六合縣志

蔥葷菜本白末青能和五味古稱為菜伯又一種名

五爪蔥辟腥氣仁和縣志

蔥能調和眾味謂之和事草新城縣志

蔥有胡蔥長生蔥二種殺魚肉毒白冷青熟江西新城縣志

蔥薤屬葷菜也出太湖上名湖蔥葉潤而鬚長姑蘇志

蔥大者為蘆蔥次小者為湯蔥皆可調羹又一種曰

胡蔥者蓋野產也九江府志

蔥家種曰胡蔥野生曰落蔥惟家種者可食遵化州志

禮記曲禮蔥潔處末註潔丞蔥也內則膾春用蔥

秋用芥脂用蔥切蔥若薤實諸醢以臬之西

域傳泥婆羅遣使人獻波稜酢菜渾提蔥山海經

邊春之山多蔥葵韭北單之山無草木多蔥韭

莊子春月飲酒茄蔥以通五藏春秋元命苞天門

本草綱目卷八

山上有蔥所種畦隴悉著行人拔取者悉絕若請神而求即不拔自出奇異辛香 四民月令三月別小蔥六月別大蔥夏蔥曰小冬蔥曰大 廣志休循國居蔥嶺東其山多大蔥 酉陽雜俎山上有蔥下有銀 清異祿盤蓋蔥趙魏間有之幾如拄杖麤但盈尺耳 以上佩文齋 廣群芳譜 蔥 辛溫主寒熱骨肉疼痛汗液不出除肝經邪氣 治面目浮腫咽喉不通安胎止血解魚肉毒 冬蔥無子漢蔥春未開花子黑色龍爪蔥莖上生根不拘時種先去冗贅疎行密排以豬糞澆之一名和事

草忌與蜂蜜同食 清石巖逸叟增 定致富奇書

機 謹按冬蔥無子以下農圃六書同

蔥所在有之凡四種山谷者曰落蔥陸地者曰胡蔥

凍蔥漢蔥 清劉若金 本草述

予少時入山路逢一小兒心腹痛啼哭口吐清水予曰蟲也少頃吐出蟲長一二寸者一二十其痛愈急倉卒無藥予記老蔥根能化蟲為水取蔥搗汁香油調服下咽痛定其病永不發矣此方大人小孩腹蟲痛

俱治 清蔣示吉 醫宗說約

蔬屬 蔥 十六

蔥葷菜本白曰白末青曰袍有樓蔥即龍爪蔥每莖
上有岐如龍爪狀有冬蔥即凍蔥一名慈蔥夏衰冬
盛莖葉柔美又名大官蔥大官上供宜之有漢蔥莖
實梗味薄冬即葉枯又名木蔥以其形莖硬也有胡
蔥莖葉麤根若金燈艸一曰蒜蔥因其根似胡蒜也
元人食膳正要作回回蔥言其來自胡地也蔥凡四
種冬蔥無子漢蔥春末開花子味辛色黑有皺文可
種古用以調品味清廖文英
正字通
一種水蔥生水中如蔥而中空一名翠管王維詩水

驚波兮翠管塵註艸可為席唐六典曰東牟滕歲貢
水蔥席六領同上

禮記曰凡進食之禮蔥涿處未

又曰膾春用蔥脂用蔥

又曰為君子擇蔥薤必絕其本末

格物論曰蔥有四種入藥用山蔥胡蔥食用東蔥漢
蔥能消穀

晉令曰居洛陽內園菜欲以常課者聽其引長流灌
紫蔥可各三畝

西河舊事曰蔥嶺在燉煌西八十里其山高六上生蔥故曰蔥嶺

盧諶祭儀曰秋祠和羹苜蓿

漢書曰龔遂勸民令人一口種五十本蔥一畦韭百本菹

東觀漢記曰孔奮字君魚為姑臧長時天下亂河西獨安姑臧長居數月輒致資產奮在姑臧四年財物不增唯老母妻子但菜食或謂奮曰置脂膏中亦不能自潤

劉向別傳曰都尉有種蔥書

列仙傳曰阮丘蛆山上種蔥百餘年乃去

邵信臣曰臣大官種冬蔥生不時之物有傷於人也後漢書曰東漢井丹未嘗修刺侯人陽信侯陰就使入罪之不得已而行丹至就故設麥飯蔥葉之食丹推去之曰以君侯能供甘旨故來相遇何其薄乎更設盛饌乃食

華陽國志曰曹公既與先主語失言會天震雷先主曰聖人言迅雷風烈必變良有以也曹公亦悔失言

使人覘之見其拔蔥公曰大耳公未覺也其夜先主
急去


梁史曰呂僧珍其先以取蔥為業及貴封平固後從
兄子宏棄業求官僧珍不許曰汝等自有常分豈可
棄求祖當速歸蔥肆耳

後周書曰宣帝大象年左衛園中蔥變作韭

沅川記曰沅川有孤山巖石崔嵬上有蔥如人所種
人時往取援輒斷絕請神而求不挽自出武陵記謂

之蔥巖以上淵鑑類函

獨本蔥元初馬湖蠻歲以獨本蔥來獻郡縣疲於進
送元真初罷之俱府治出四川總志



庶物類纂卷之九

庶物類纂蔬屬卷之九目次

冬蔥

漢蔥


沙蔥

綿蔥

胡蔥

庶物類纂

蔬屬目次



冬蔥

一名凍蔥唐本一名慈蔥本草綱目一名大官蔥

同上一名科蔥重修江府志

倍名業結子又名虛脫ヒトモシ十シ又名業蕪子又名
十シ鹵業結子下野ノ又名虎有業結子又名脫孤シ
刈カ憂カ州州肥肥前前又名虎有虛脫ヒトモシ十シ長門長門又名煞カ

十虛而州出羽

冬蔥

鄉圃有大官蔥比常蔥差小

宋陸希觀
劍南詩豪

唐本注云其人間食蔥又有二種有凍蔥即經冬不死分莖栽蒔而無子也又有漢蔥冬即葉枯食用入

藥凍蔥最善氣味亦佳

嘉祐補
註本

蜀本圖經云冬蔥夏衰冬盛莖葉俱軟美山南江左有之同

蔥有數種入藥用山蔥胡蔥食品用凍蔥漢蔥本經圖凍蔥冬夏常有但分莖栽蒔而無子氣味最佳亦入

藥用一名蔥上同

冬蔥即慈蔥或名大官蔥謂其莖柔細而香可以經

冬大官上供宜之故有數名明李東璧本草綱目

王禎曰山蔥宜入藥胡蔥亦然食惟用漢蔥凍蔥耳

漢蔥水蔥也漢蔥葉大而香薄冬即葉枯宜供齋食

凍蔥葉細而益香又宜過冬比漢為勝或名大官蔥

明徐光啓
農政全書

夏蔥曰小冬蔥曰大上同

凍蔥即冬蔥夏衰冬盛莖葉氣味俱軟美食用入藥

最善分莖栽蒔而無子人稱慈蔥又稱大官蔥謂宜

上供也明王蓋臣
羣芳譜

冬蔥暑種則茂食物本草
盧翰月令通攷

冬蔥亦名慈蔥亦名大官蔥柔滑香澤肇慶府志

郡蔥有二種凍蔥冬夏長有但分莖栽蒔而無子氣

味最佳可入藥用其葉長大有角而生子者莖葉硬

味薄邵武府志

凡蔥皆能殺魚肉毒食品所不可闕也上同

蔥無實而分種者謂之科蔥重修鎮江府志

本草綱目卷之九

漢蔥

一名木蔥本草綱目 一名青蔥重江府志

俗名業虎夔州

本草綱目卷之九

蔬屬 漢蔥

本草綱目卷之六

漢蔥

唐本注云漢蔥冬即葉枯

嘉祐補註木艸

蜀本圖經云漢蔥冬枯其莖實硬而味薄

同上

漢蔥莖實硬而味薄冬即葉枯

木艸圖經

漢蔥一名水蔥其莖粗硬故有木名冬蔥無子漢蔥

春末開花成叢青白色其子味辛色黑有皺文作三

瓣狀收取陰乾勿令浥鬱可種可栽

明李東璧木艸綱目

王禎曰山蔥宜入藥胡蔥亦然食惟用漢蔥凍蔥耳

漢蔥水蔥也漢蔥葉大而香薄冬即葉枯宜供蔬食

本草綱目卷九

凍蔥葉細而益香又宜過冬北漢為勝或名大官蔥

明徐光啓
農政全書

夏蔥曰小冬蔥曰大同上

漢蔥春末開花成叢青白色冬即葉枯亦供食品王明

蓋臣羣
芳譜

漢蔥亦名木蔥根葉粗硬摩慶府志

蔥有實而秧種者謂之青蔥重修鎮江府志

沙蔥

無錫縣志卷九

蔬屬

沙蔥

本草綱目卷之九

沙葱

葱生沙地者名沙葱

明王翬

沙葱皮赤氣味辛臭

明岷峨山人譯語

葱野外生者謂之沙葱

臨兆府志

本草綱目卷之九

綿蔥

本草綱目卷之九

蔬屬 綿蔥

一

本草綱目卷之九

綿蔥

蔥一種胡蔥不可食綿蔥則細而味頗甘

太倉州志

本草綱目卷之九

蔬屬 綿蔥

本草綱目卷九

胡蔥

一名葫蔥

本草綱目

一名蒜蔥

同上

一名回回蔥

同上

一名香蔥

八閩通志

本草綱目卷九

蔬屬

胡蔥

本草綱目卷之九

胡蔥

胡蔥味辛温中消穀下氣殺蟲久食傷神損性令人多忘損目明尤發痼疾患胡臭人不可食令轉甚其狀似大蒜而小形圓皮赤稍長而銳生蜀郡山谷五月六月採

今附○嘉祐補註本草

蔥唐本注云療病以胡蔥主諸惡裁切七吏狐尿刺毒山溪中沙蟲射工等毒煮汁浸或搗傳大效亦兼小蒜菜萹輩不獨用也同上

蜀本圖經云胡蔥莖葉麤短根若金莖能療腫毒同上

胡蔥類食蔥而根莖皆細白。又云莖葉微短如金燈者是也。舊別有條云生蜀郡山谷似大蒜而小形圓皮赤稍長而銳。本草圖經

胡蔥按孫真人食忌作葫蔥因其根似葫蒜故也。俗稱蒜蔥正合此義。元人飲膳正要作回回蔥似言其來自胡地故曰胡蔥耳。明李東璧本草綱目

胡蔥卽蒜蔥也。孟詵韓保昇所說是矣。非野蔥也。野蔥名荅蔥似蔥而小。胡蔥乃人種蒔。八月下種五月收取。葉似蔥而根似蒜。其味如薤不甚臭。江西有水

晶蔥蒜根蔥葉蓋其類也。李廷飛延壽書言胡蔥卽薑子蓋因相似而誤。爾今俗皆以野蔥爲胡蔥。因不識蒜蔥故指荅蔥爲之。謬矣。同上

方術煮溪澗白石爲糧。及煮牛馬驢骨令軟皆用胡蔥。則亦軟堅之物也。陶弘景言蔥能化五石。消桂爲水。則是諸蔥皆能軟石。故今人採荅蔥煮石謂之胡蔥也。同上

胡蔥其種來自胡地。故名。狀似大蒜。乃人種蒔。不比荅蔥野生。八月下種。五月收取。葉似蔥而根似蒜。其

本草綱目卷之九

味如薤不甚臭江西有水晶蔥蒜根蔥蓋其類也

明李

東璧食
物本草

胡蔥生蜀郡山谷狀似大蒜而小形圓皮赤葉似蔥

根似蒜八月種五月收一名蒜蔥又名回回蔥莖葉

粗硬明王蓋臣
羣芳譜

胡蔥莖葉麤明鄧元
錫函史

胡蔥葉粗根短似金燈皮赤而銳俗呼蒜蔥亦名回

回蔥以其來自胡地肇慶
府志

蔥一種胡蔥不可食太倉
州志

蔥粗大者曰胡蔥吳縣
志

胡蔥香蔥也八閩
通志

本草綱目卷之九

蔬屬 胡蔥 四

算
術
類
纂
卷
九



